

1/2
觚

鈕琇編

賸

上

進步書局校印

觚賸提要

是書為吳江鈕玉樵著正編八卷分目為吳觚燕
觚豫觚秦觚粵觚續編四卷分目為言觚人觚事
觚物觚生當易代惓惓於滄海軼聞翔實賅洽足
裨史乘文筆亦雍容典貴直開聊齋之先聲

觚賸自序

原夫天為石補光乃麗乎三辰地以鰲勝力且維乎四極蓮生嶽上巨靈運掌而山開鳥走雲中后羿彎弓而日落若其游神六合抗想千秋都非易測之情實有難窮之理然則莊生齊物何得置北溟而不談屈子離騷能無仰東皇而欲問乎况夫鬼盈暎載易留語怪之文神降羊言史發興妖之論杏壇書垂筆削辨六鷁之畫飛龍門事著興亡誌一蛇之夜哭是知虞初小說非盡出於荒唐郭氏遺經固無傷於典則也余也生雖已晚世不逮夫嫫嬛思則靡涯心常傾夫蒼叢幼而就傳延吳札於楓江長且服官謁徐陵於柏府初垂縞帶便學長吟繼傍玉臺每聆新語入燕都而懷故國記覽夢華登梁苑而晤名賢書攜行秘迨夫哀纏素輶貧典黑貂旅食三年不斷皋魚之淚官歸千里無餘劉寵之錢遊跡則雁池鳧渚閱歷偏賒行裝則玉格貝編討搜獨富既而聽難函谷策馬蘆關數密法於秦灰欲辨怪哉之氣懷和聲於周鳳還題吉了之名碑洞文章收諸綠笈橋山陵寢繪以黃圖今則仍綰銀章更臨珠海鷗鵠啼處朱旗錦石之鄉蝴蝶飛時丹竈羽衣之洞官逢鬪穀得虎說於荒江語習姬隅成魚吟於蠻府梨花賓至快雄辯之當筵話雨人歸喜華牋之在篋於是傾觚授簡抄以小骨因而別地稽時彙為全帙言其大畧蓋有三焉爾其蕭斷吳門曲留小海筑推易

水歌起悲風嵇散揮絃廣陵之音欲絕潘邠閣筆重陽之句無多苟非聞此嘉名誰復求之
幽壤至乃江頭孝女黃絹無傳塞外文姬青娥莫贖簾窺燕子新愁鎖夜月之樓門倚桃花
舊笑憶春風之徑維美昭於繡管斯艷發乎香簋更若大夫觀止雅擅多能君子至斯夙推
博物疏不遺乎草木學邈葩經註兼及乎蟲魚功期翼雅爰以資其考索非止襲夫傳聞然
而宇宙茫茫人如粟渺江河滾滾世亦萍浮目不越于方隅每以常而為怪心苟通乎大造
將何幻而非真念茲得失之林總歸陳迹悟彼逝來之境庶得遐觀姑存此日瑣言豈曰珠
能記事倘附他年野史亦云稗以備官焉爾

康熙庚辰三月既望吳江鈕琇玉樵甫書於高明官署之根青閣

觚觚總目

卷一 吳觚上

歲寒集

貞白樓詩

西山五七言

布囊焚餘

虎林軍營唱和

力田遺詩

序賦創格

紉繭詞

芷崖詩句

秋燈

虎邱題詩

逸老堂對

秀門三絕

酒芝

陶庵剛正

釋氏親送

秦毀淫詞

扁舟訪隱

公歸集

怨鶴行

鬼誤

術者言

僧虎

今樂府

益都高義

憤僧投池

卷二 吳觚中

仙根

樵隱

事類翁子

鶴癖

沉香街

借卧魚缸

泥無身

史癡

小楊枝

白月

佞佛

去年此日

邵邑侯前生

桃花魚

蛟橋幻遇

藏金券

吳充墓

瘡言

爐中造化

木偶出號

吳介繁

笠澤古柏

白鵠紅豆

羊珠

疥蟲

浮桶

茅栗

水災風變

科名異數

賦梅釋雲

酒兵

黑漆漆

釣叟慨言

卷三 吳觚下

姜楚蘭

雲娘

沉香瘞狸

河東君

湯素晚

墨池

睺娘

顏吳才媛

李婦金氏

棲梧閣

小鸞

宛在

張麗人

卷四 燕觚

朱園墓表

誚鄭

西園蘭石

延平女子

杜亭

劉將軍

李侍御

癸未榜

鬼徒

丰仙

驢孕石

粵藩豫定

再世婚

圓圖

李旂六

水樹

姜郎

琥珀案

竹垞詞

碧血

三別號

程公引

福壽難兼

服禁

晚過

燕京元夜詞

五經中式

卷五 豫觚

訓史名言

鳴鉦薦試

除夜覘士

呼名批頰

潛竄衿錄

李通判

淡如

古古詩

息壤

牡丹述

人蛸

孫家庄

響驢

雲蟲

尸行

判官薦才

產龍

劉船

秦大漢

木介

笋根稚子

自怡編序

臘月雷

屋梁三花

廷式再見

卷六 秦觚

兩大文章

蔣山傭

秦將禮客

榭葉集

杜曲精舍

一康

石經

景龍觀鐘銘

曹全碑

兔

七月天

米畫

慈淨

筠湄幽婚

栗兒

牧化

空中黃繖

對羊

崆峒鶴

樹蜜

水鴉兒

乳鼻

旱草

天雨蟲

神僧

屈曼

白巾

金蝦蟆

飛浮石

乩書

高宮詹

卷七 粵觚上

五瘴

仆木自起

六貞女墓

啖石丐

焚旗

天涯亭

雪溝

百歲觀場

逍遙居士

花乳糖

不昧堂

粵社以榕

巡檢附魂

荔根屏

相思子

花田花塚

語字之異

鴛鴦墳

南海神廟

兩海賊

徙民

產卵

浚濠得碑

西園瘞瘡

舒氏義烈

廣東月令

惠士陳言

木中少女

八分書

卷八 粵觚下

張將子

共塚

白石獅

洪廟神夢

五華山故宮

琉球使

獻花寺僧

俺達縱暴

跛金

禍兆斬頭

偽牘諭降

投江詩

金首

肉毬

阿魏

月中仙樂

綠瓢

石言

著書三家

孟謀絕句

續編

卷一 言觚

字訓

文章有本

畫

格軒雜咏

總戎佳論

故友箴言

玉劍詠

京師竹枝詞

藝林名句

醉隱記

禪諷

牡丹狀元

清客天

三通

書名

聖武成功詩

曹娥碑辨

家國同慨

西溟書

棉村麗句

詩聖

脫換法

樾巢近體

律例

園竹詩

首尾限字體

桃花園

天粘

東里奇句

支干

卷二 人觚

淄川小聖人

嚴拒夜飲

芙蓉閣

食德祠

英豪舉動

妙電

王价人

李生孝友

獻詩保寨

趙公裕後

預草典禮

月涵

得樹

簡公雪冤

湯司空

傅徵君

西臺篤行

阿顏

二潘

亞璫成神

張羽軍

義娘

觀人之法

歸癡

卷三 事觚

新城家法

喉簧腹鼓

啞樵

海天行

丙辰會狀

綜

魚頭

季氏之富

溺妾入夢

象聲

白簞散

嗣姑化男

名字前定

鰕鰕

雙雙

澤民實事

于家琵琶

夜光

豹仙

猿風鷹火

東坡亭

奇嗜

雨夢

紅衣土偶

相墓四大惑

樹怪

還金

紅娘子

小陵骨

十力前知

小座師

岳家神兵

卷四 物觚

行在貢獻

畫水

白蜺

吐火獸

物尤命

狨

孝羊

白蟻

粵之貓

蜂君臣

石長

孚畫

奇觚

塔影

諂虎

桃核舫

大甌灣

味聖

蘇州土產

天井

萃仙丸

雪姑

玉籠

鼠魂

雁翎刀

頃刻酒

豕蛻

瓦溺器

助雷殪蛇

噬逆

金銀變化

觚賸卷一

吳江鉅 琇玉樵輯

吳觚

上

歲寒集

余幼從吳南邨先生於家塾。受尚書左氏傳及時制義所見著述甚富。惜在髫髻不及抄綴。成編未幾。夫子下世。遺藁零落。越今三十餘載。偶於故簾中搜得數章。故錄於此。擬道路憶山中云。微陽澹遙薄。羈客困塵鞅。珪帛策今志。烟霞屬曩想。遲遲楚粵郊。一步一迴仰。靈境隔紫霄。夙昔憑誕放。墜夢薦春屐。歸雲麗秋斃。軒開納曙景。襟豁春初爽。自生性情悅。願領丘壑長。浩浩九門津。恢恢千目網。野情被文錦。雖貴非所賞。銅斗瞻漸碧。禹穴顧已蒼。新游非故鄉。登頓益慨慷。空抱嵇生琴。戚戚發哀響。追和孟東野。審交云枳棘。初生時青青。似柑袖滋養。待成林。芒刺傷我手。結交非其人。不但初心負。名義如日星。斯人等埃垢。君子田中禾。小人田中莠。同畝而異根。安得秋實茂。甯為管華薄。莫效蘇李厚。厥初或依違。鮮終誰執咎。咏梅花云。百卉千妍競艷陽。有人籬角問孤芳。寒交近與蒼松絕。濫籍秦官亦可傷。賦得城春草木深。二首云。名區屯宿莽。春向幾人家。衙晚聽啼鳥。碑殘臥落花。堂巢無主燕。池唱在官蛙。何必曾侯印。東門偏種瓜。百戰餘荒壘。陽和尚草萊。青帘花外肆。烏鵲雨中臺。怨氣

流為火腥痕繡作苔登高如可賦愧乏鮑生才田家秋興云九月築場後田家事事幽斷橋
霜下坂修竹水邊樓鷄犬無心書菰蒲有望秋蔣疏攜鋤短栽枳結離稠燈火鄰春共魚書
社飲修落桑杭入甕覆草糠成丘簷曝貪朝坐溪雲動晚謳牽蘿閒補漏策杖遍尋儔夢以
無因永行緣得句留所須無凍餒城市有何求寡女行云明月夜照井上霜如花寡女關中
堂當軒軋軋朝復暮機中之錦他人裳夜闌月轉燈燼滅獨向空牀抱冰鏡君不見東家鶴
髮娘垂老嫁人為媵妾西門行云西門有高塚乃是城中富家兒當年不樂為後人嗤後人
嗤後人仍效之日復一日坐令青髻絲疏布裘屈木庀此物我所製奈何坐令他人嬉城中
車馬客不向西門塚上馳即向西門塚上馳塚中之人不能復起相追隨請盡今日歡明日
非我知東門行云出東門意欲前欲前未及得前遠聞兒啼女泣使我僕馬為流連君但行
勿留連堂上有兩親機中有絲口一縑賤妾鋪糟糲終不令君親饑且寒道傍之水泥濁濁
長安馬多食粟一車覆一車續願君為臣忠為吏廉吹風到茅屋結駟歸來非我欲西山爽
氣云雨歇池館涼開軒睇原隰遙峰如盤櫛蒼翠淨可吸竹樹延清暉苔階響餘滴羣鳥次
第起遠背晨光沒我意亦悅之曳杖遙與即曠然融神魂神領興自給松風塞雙耳米鹽詎
容入出門無可營坦坦任所適寄題周藝菴新居二首云周子幽棲處浮名信可逃竹繞埋

瓦屋水足受魚。初近渚鏡。菰蔣低簷。見桔槔。從知子去後。雙板沒新蒿。學桑通小徑。雞犬自成邨。亂水繞三面。數家同一門。塾童來問字。鄰叟共攜尊。縱遣桃花出。無人解覓源。寄故鄉諸友云。白雲紅樹。隱溪塘。何處登高。可望鄉。百里畏途。天外夢。兩年愁鬢。客中傷刺。秦慚負千金諾。歸蜀空迴九曲腸。倘有貧交。問流落。尚懸雙眼。看蒼蒼。夫子為王。崑崙山人之甥。明末食餽歸安。名馳三吳。兩浙間。鼎革後。改名宗漢。號南邨。與兄東里弟西山偕隱。日以文酒相娛。并手輯同志之詩。曰歲寒集。先生為人溫厚而嚴正。終其身絕跡城府。吳興莊氏子。聘修明史。堅拒之。卒免於禍。

貞白樓詩

余族兄易庵先生名榮。與先君同受知於黎博庵副使。鼎革後。築樓溪濱。繞以修竹。而種菊。其下賦詩飲酒。絕意人世。自南邨師歿。先君即命余從易庵遊。今易庵年已八十。有二無子。以繼其傳。手抄貞白樓詩寄余。若其傳之者。存其一二。亦可以見氣象之恬。襟懷之峻矣。閨上已序云。上已不詩。閨而詩。紀異也。蘭亭已矣。禊事猶存。雖迹類嬉遊。而志存蠲板懷。潔之士。實欣尚焉。於斯時也。澄澤流鮮。朗區披秀。洛川名閥。撫令節以舒光。洧水麗姝。激景風而吐艷。斯誠騷邁之歡辰。咏喁之良邁矣。廼者。節序乖疎。賓朋散逸。黃龍夢香。白水吟空。

言念曩今能無涕悼。當右軍作記年冠永和乃其臨流感慨猶致數於世殊事異。揆厥所悲。一何遐也。至元嘉祖道之篇。永明禊飲之什。金石畢陳。鈞天雜奏。官眇寂寞。風斯邁矣。南樓倦倚。觸緒興哀。漫賦五言。忘其拙率。詩云。入春競勝事。我復愛花辰。曲水門闌舊。薰風節序新。被除如有待。鴈咏豈辭頻。寂寞尋芳侶。重來訪隱淪。上巳日種菊云。未肯忘秋興。霜花手自栽。力鋤非種去。懸想故人來。宿土承新露。疎籬傍老梅。相依成密友。日夕共徘徊。又秋懷十首。殊有靖節風致。今錄其二。風霜頗威厲。敗葉走階几。我庭日寥廓。一望盡披靡。人事苦哀謝。天道有傾否。古桂發幽馨。吾無隱乎爾。俯仰觀幻化。斯理本如此。又云。西風頓涼冷。衣被應裝綿。妻兒負單夾。秋感當我前。問我我不應。四顧空茫然。南鄰貧徹骨。北里富薰天。造物本不齊。豈復關愚賢。

西山五七言

吳西山重暉行十。南邨先生之弟。少年詩名甚著。惜早卒。其詩長於寫景。如野眺云。花明背郭寺。柳暗入村橋。醉歸云。荇亂牽搖櫓。鷗鷺觸過船。村居云。木脫雲辭徑。木登鳥集門。吳興旅次云。老藤隨樹倒。危石帶沙崩。村橋遠眺云。天長眾鳥去。林遠細烟升。春窗對雨云。窗雨沈花影。簷風落鳥聲。游硤石東山云。柳深鶯坐穩。栢老鶴巢危。曉寒云。霜花驕古木。水骨壓